



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

9 g Joachim Marie Vatter.

urn:nbn:de:hbz:466:1-41449

December

Anno Dñi
88.

halben mit grosser forcht in den vmblygenden Ländern.
Nach dem nun Eucharis die Trierisch Kirch drey vnd
dreissig jar ganz trewlich regiert / vnd durch einen Engel
seinen tod erkennt / ordnet er an sein statt den H. gemel-
ten Valerium / gesegnete seine Brüder / vnd für zu dem
H. Ern mit einem klaren Liecht vmbgeben. Von Vale-
rio ist oben am 29. tag Jenners / von Materno aber am
17. Herbstmonats gemeldet.

Anno Dñi
630.

Item des H. Luxouiensischen Abts vñ Beichtigers
Romortci / welcher ein fürerlicher Mann war an des Kün-
nigs Austrasorum Hof / aber durch den H. Gaisi er-
leuchtet / verliess er die Nesen / verachtet die Welt / ward
auch vnder dem H. Amato / in dem Luxouiensischen Klo-
sterlich recht Gaislich / vnd auß einem gehorsamen
Münch ein gnadreicher Abt erwöhlet / der mit grosser
hailigkeit vnd wunderzeichen leuchtet.

Anno Dñi
320.

Item des H. Münchs vnd Beichtigers Eutichia-
ni / so in Bythinia bey dem Berg Olympo wohnet / voll
Göttlicher Gnad die Francken gesund zumachen / vnd
wunderzeichen zuthun / dem Kayser Constantino Ma-
gno / vnn wegen seines tugendtsamen lebens sehr lieb
vnd angenehm.

Item zu Trier der Geburtstag der H. Anastasie:

g v. Idus Decembris.

Der IX. tag im Christmonat.

HEBT ist der Geburtstag der heyligen Jung-
frawen Leocadie / welche vnn dem Hispani-
schen

schen blütigen Vogt Daciano zu Toletto mit grausamer gesencknuß gepeinigt/ als sie die schweren bitteren pein der H. Eulalie vnd anderer mehr marterer höret/ knyet sie in irem Gebet nider/ vñ gab Christo ihren vnbesleckten Gaist auff.

Item in Franckreich des H. Petragorischen Abts Eypriani/ der von wegen seines vnbesleckten wandels vñ herlichen wunderzaichen ein Apostolischer Mann gewesen/ wie von im schreibt Gregorius Turonensis.

Item zu Dieterichsbern des heyligen Proculi/ derselben Statt vierten bischoffs vnd Reichthigers/ welcher zur zeit des Kayfers Maximini / sampt den seinen die blütige verfolgung flohe/ vnd in einer kleinen Cellen verborgen lag. Solgendts auß inbrünstiger begird der martir / vbergab er sich den blinden Hayden vnd Feinden Christi / vonn welchen er als ein aberwiltiger altershalb geschlagen/ vnd auß der Statt gestossen ward/ derhalb er sich vnwürdig der martir achtet / vnd trawrig wider zu den seinē kam. Als nun die verfolgung gestillt war/ besüchet er die Statt des heyligen Lands/ vnd am widerumb hören bracht er durch sein Gebett bey dem Vngerland ein Brunnen herfür/ von welchem wunderwerck vil Haiden zum Christlichen Glauben beköret/ vnd in demselben Brunnen getaufft worden. Dage darnach ger Dieterichsbern/ leuchtet mit wunderzaichen/ vnd rhuet daselbst im seiden.

Item inn der Statt Süss in Cölner Bisthumb/ die ankunfft des H. Martirers Patroeli (von welchem am 21. Jenner) so vonn der Statt Trecafino durch den Cölnischen Erzbisch Brunonem daselbst hingeführt ward.

Anno Dñi
234

Item inn Africa der heyligen Petri / Successi /
vnd Basiani.

Item des H. Syri / so der erst bischoff zu Paphia ge-
wesen / vnd das ganz volck auß der Heiden schafft zum
Christlichen Glauben beköret / auch in vilen andern I-
talienischen Stätten mit dem Euangelischen Neth / vil
menschen zu Christo gewonnen hat.

Item zu Aruern in Franckreich des heiligen Prie-
sters Nestoris / der Sanct Peters des Obersten Apostels
jünger war.

Item in dem Kloster Jotro der heyligen Ebtifin
Balde.

*Epist. ad
Colos.*

Item zu Lemouica der H. vnd Gottgeweyheten /
recht Euangelischen Junckfrawen vnd marterin Dale-
rie / von welcher Maritialis schreibt.

A iiii. Idus Decembris.

Der X. Tag im Christmonat.

Zu Spoleten in Welschland / ist heut der Geburts-
tag der H. marterer / Carposori des Priesters / vnd
Abundij des Diacons / welche beide in der Diocele-
tianischen verfolgung mit knütteln gewilich geschlagen /
darnach vil tag ohn speiß vnd tranck im gefencknuß be-
halten / vnd danoch vom Engel wunderbarlich von dan-
nen außgeführt / als sie Christum widerumb mit gleichem
eyfer verkündigten / worden sie abermals gefangen / ihr
mund mit stainen geschlagen / an ein Ram auffgehengt
vnd gestreckt / lang inn der gefencknuß gemägere / vnd
endlich enthauptet.

Anno Dñi
299.

Item